



Broj: UP-I-KSI-09-6/23  
Datum: 12.05.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba navedenog Zakona od strane A.O. iz Brčkog, [REDACTED] broj [REDACTED], člana Upravnog odbora JZU „Zdravstveni centar Brčko“ Brčko distrikt Bosne i Hercegovine, nosioca javne funkcije, na 55. sjednici održanoj dana 12.05.2023. godine, donijela je

### **RJEŠENJE**

1. **UTVRĐUJE SE** da je A.O. iz Brčkog, [REDACTED] broj [REDACTED], član Upravnog odbora JZU „Zdravstveni centar Brčko“ Brčko distrikt Bosne i Hercegovine, kao nosilac javne funkcije postupio protivno članu 19. stav (1) i stav (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine na način da dana 12.10.2022. godine u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II Komisiji za odlučivanje o sukobu interesa nije prijavio nekretnine u svom vlasništvu i pokretnu imovinu bračnog druga vrijednosti veće od 5.000,00 KM.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, A.O. se shodno članu 43. Zakona izriče opomena.

### **Obrazloženje**

Komisija za odlučivanje o sukobu interesa je po službenoj dužnosti zaključkom, broj: UP-I-KSI-09-06/23 od 24.01.2023. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine protiv A.O. iz Brčkog, [REDACTED] broj [REDACTED], člana Upravnog odbora JZU „Zdravstveni centar Brčko“ Brčko distrikt Bosne i Hercegovine, nosioca javne funkcije, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 12.10.2022. godine od strane nosioca javne funkcije Komisiji za odlučivanje o sukobu interesa i podataka prikupljenih od nadležnih organa i institucija o nekretninama nosioca javne funkcije i podataka o pokretnim stvarima djece i

bračnog druga nosioca javne funkcije vrijednosti veće od 5.000,00 KM, jer nosilac javne funkcije nije prijavio, odnosno u Izvještaj o imovinskom stanju nije tačno i potpuno unio podatke o svojoj nepokretnoj imovini, i to kako slijedi: nekretnina označena kao parcela broj: [REDACTED], „[REDACTED]“, njiva 5. klase, u površini od 4634 m<sup>2</sup>, upisana u zk. uložak, broj: [REDACTED], za k.o. Rahić Gornji, suvlasništvo A.O. sa dijelom od 1/2; nekretnine označene kao parcele broj: [REDACTED], „[REDACTED]“, šuma u površini od 1550m<sup>2</sup>, [REDACTED], „[REDACTED]“ njiva u površini od 16470m<sup>2</sup>, [REDACTED], „[REDACTED]“ njiva u površini od 19851 m<sup>2</sup>, [REDACTED], „[REDACTED]“ u površini od 459 m<sup>2</sup>, [REDACTED], „[REDACTED]“ šuma u površini od 3510m<sup>2</sup>, [REDACTED], „[REDACTED]“ njiva u površini od 4450m<sup>2</sup>, [REDACTED], „[REDACTED]“ njiva u površini od 14370 m<sup>2</sup>, [REDACTED], „[REDACTED]“ šuma u površini od 970 m<sup>2</sup>, [REDACTED], „[REDACTED]“ šuma u površini od 480 m<sup>2</sup>, [REDACTED], „[REDACTED]“ njiva u površini od 9640m<sup>2</sup>, [REDACTED], „[REDACTED]“ njiva u površini od 15900m<sup>2</sup>, [REDACTED], „[REDACTED]“ šuma u površini od 650 m<sup>2</sup>, [REDACTED], „[REDACTED]“ njiva u površini od 20058m<sup>2</sup>, [REDACTED], „[REDACTED]“, njiva u površini od 338m<sup>2</sup>, [REDACTED], „[REDACTED]“, njiva u površini od 431 m<sup>2</sup>, [REDACTED], „[REDACTED]“ njiva u površini od 43 m<sup>2</sup>, [REDACTED], „[REDACTED]“ njiva u površini od 33200m<sup>2</sup>, [REDACTED], „[REDACTED]“ šuma u površini od 11500 m<sup>2</sup>, sve upisane u zk. uložak, broj: [REDACTED], za k.o. Čoseta SP, suvlasništvo A.O. sa dijelom od 3/112. Zatim, nekretnina označena kao parcela broj: [REDACTED], „[REDACTED]“ njiva u površini od 2770 m<sup>2</sup> i [REDACTED], „[REDACTED]“ njiva u površini od 30 m<sup>2</sup>, sve upisane u zk. uložak broj: [REDACTED], za k.o. Čoseta SP, suvlasništvo A.O. sa dijelom od 15/10752; nekretnina označena kao parcela broj: [REDACTED], „[REDACTED]“ dvorište u površini od 1171 m<sup>2</sup> upisana u zk. uložak, broj: [REDACTED], za k.o. Čoseta SP, suvlasništvo A.O. sa dijelom od 3/448; nekretnina označena kao parcela broj: [REDACTED], „[REDACTED]“ njiva u površini od 16288 m<sup>2</sup>, [REDACTED], „[REDACTED]“ njiva u površini od 4291 m<sup>2</sup>, [REDACTED], „[REDACTED]“ njiva u površini od 4800 m<sup>2</sup>, [REDACTED], „[REDACTED]“ njiva u površini od 8200 m<sup>2</sup>, [REDACTED], „[REDACTED]“ njiva u površini od 50 m<sup>2</sup>, [REDACTED], „[REDACTED]“ njiva u površini od 49 m<sup>2</sup>, sve upisane u zk. uložak broj: [REDACTED], za k.o. Čoseta SP, suvlasništvo A.O. sa dijelom od 3/12, nekretnina označena kao parcela, broj: [REDACTED], „[REDACTED]“ njiva u površini od 13413 m<sup>2</sup>, [REDACTED], „[REDACTED]“ njiva u površini od 11262 m<sup>2</sup>, [REDACTED], „[REDACTED]“ njiva u površini od 258 m<sup>2</sup>, [REDACTED], „[REDACTED]“ njiva u površini od 190 m<sup>2</sup>, [REDACTED], „[REDACTED]“ njiva u površini od 50 m<sup>2</sup>, [REDACTED], „[REDACTED]“ njiva u površini od 49 m<sup>2</sup>, sve upisane u zk. uložak broj: [REDACTED], za k.o. Čoseta SP, suvlasništvo A.O. sa dijelom od 3/12. Zatim, nekretnina označena kao parcela broj: [REDACTED], „[REDACTED]“ šuma u površini od 4060 m<sup>2</sup>, [REDACTED], „[REDACTED]“ njiva u površini od 20780 m<sup>2</sup>, [REDACTED], „[REDACTED]“ njiva u površini od 15130 m<sup>2</sup>, sve upisane u zk. uložak broj: [REDACTED], za k.o. Čoseta SP, suvlasništvo A.O. sa dijelom od 1/24; nekretnina označena kao parcela broj: [REDACTED], „[REDACTED]“ kuća i dvorište u površini od 60 m<sup>2</sup>, [REDACTED], „[REDACTED]“ njiva u površini od 180 m<sup>2</sup>, sve upisane u zk. uložak broj: [REDACTED], za k.o. Čoseta SP, suvlasništvo A.O. sa dijelom od 237/32256.

Osim toga, uočena je neusklađenost između prijavljene imovine u Izvještaju o imovinskom stanju, Aneks II i podataka dobijenih od strane Odjeljenja za javni registar Vlade Brčko distrikta Bosne i Hercegovine u dijelu da nije u Izvještaj o imovinskom stanju unesen automobil marke Volkswagen, tip 6R, registarske oznake: [REDACTED], godina proizvodnje 2011, vlasništvo R.O., bračni drug nosioca javne funkcije, kao i automobil marke Škoda, tip 3T, registarske oznake: [REDACTED], godina proizvodnje 2016, vlasništvo A.O., sin nosioca javne funkcije, čime je postupio protivno odredbi člana 19. stavovi (1) i (2), te odredbi člana 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja zaključka.

Nakon prijema zaključka o pokretanju postupka, broj: UP-I-KSI-09-06/23 od 24.01.2023. godine, zaprimljen 01.02.2023. godine, A.O., je dana 02.02.2023. godine dostavio Komisiji za odlučivanje o sukobu interesa pisano Izjašnjenje u kojem, između ostalog, navodi da je prilikom popunjavanja Aneksa II razumio da je potrebno navesti samo imovinu koja se vodi isključivo

na njemu, a da je u obavezi samo navesti prihode supruge i ostalih članova porodičnog domaćinstva. Istina je da su automobili marke Volkswagen, tip: 6R, registarskih oznaka: [REDACTED] (vrijednosti cca 8.000,00 KM) registrovana na ime njegove supruge, R.O., te da je automobil SKODA, tip: 3T, registarskih oznaka: [REDACTED] vlasništvo njegovog sina. S tim u vezi, navodi da je pogrešno shvatio pojam „zajedničkog domaćinstva“, pa je pod time mislio da je i njegov sin član porodičnog domaćinstva, iako isti ostvaruje mjesečne prihode i stanuje u istoj zgradi, ali na donjoj etaži, pa s tim u vezi njegovi sin i kćerka nisu članovi porodičnog domaćinstva

Kada je riječ o nepokretnoj imovini, u Izvještaju o imovinskom stanju je naveo kuću vrijednosti 200.000,00 KM, gdje je smatrao da se podrazumijeva i sve oko kuće da čini jednu cjelinu, a koju nekretninu je dobio u nasljedstvo 2022. godine i nije znao da se kuća i okućnica dijele u tri dijela kao i pomoćne zgrade, od kojih je jedna porušena, dok druga skoro da i nema nikakvu tržišnu vrijednost, a svi ti odvojeni dijelovi su i navedeni u zk. uložku, broj: [REDACTED], k.o. Rahić Gornji, a radi se o porodičnoj kući, k.č. broj: [REDACTED], „[REDACTED]“, ukupne površine 1059 m<sup>2</sup>, a u čijem sastavu se nalaze dvorište u površini od 500 m<sup>2</sup>, njiva 5. klase u površini od 330 m<sup>2</sup>, stambena zgrada broj 1 u površini od 154 m<sup>2</sup>, pomoćna zgrada broj 2 u površini od 47 m<sup>2</sup>, pomoćna zgrada broj 3 u površini od 28 m<sup>2</sup>. Pregledom zk. izvoda, smatrao je da parcele „[REDACTED]“, njiva 5. klase, u površini od 4634 m<sup>2</sup>, vlasništvo sa dijelom od 1/2; „[REDACTED]“ njiva, 4. klase, u površini od 7942 m<sup>2</sup>, kč.br. 18; „[REDACTED]“ njiva 6. klase u površini od 2803 m<sup>2</sup>, 10.745 m<sup>2</sup>, vlasništvo sa dijelom od 1/2; „[REDACTED]“, kč. br. 21/6, u površini od 3833 m<sup>2</sup>, vlasništvo sa dijelom od 1/4 da su sve navedene parcele ukupne vrijednosti manje od 5.000,00 KM, pa je smatrao da ih nije ni dužan navesti.

Nadalje, parcele upisane u zk. uložak, broj: [REDACTED] k.o. Ćoseti vlasništvo sa dijelom od 3/112, zk. uložak broj: [REDACTED] k.o. Ćoseti, vlasništvo sa dijelom od 15/10752, zk. uložak, broj: [REDACTED] k.o. Ćoseti vlasništvo sa dijelom od 3/448, zk. uložak, broj: [REDACTED] k.o. Ćoseti vlasništvo sa dijelom od 3/112, zk. uložak, broj: [REDACTED] k.o. Ćoseti vlasništvo sa dijelom od 3/112, zk. uložak, broj: [REDACTED] k.o. Ćoseti vlasništvo sa dijelom od 1/24 i zk. uložak, broj: [REDACTED] k.o. Ćoseti vlasništvo sa dijelom od 237/32256, nikada nisu bile u posjedu njegovih roditelja, te da se radi o nekoliko kvadrata, nekoliko desetina m<sup>2</sup>, a za koje su, u toku ostavinske rasprave, njegova braća i sestre tražili da se on istih prihvati, a kako oni ne bi morali dolaziti iz BiH i inostranstva i kako bi se cijeli postupak lakše okončao.

Uvidom u materijalnu dokumentaciju, tačnije zk. ul. br. [REDACTED] k.o. Rahić Gornji i zk.ul.br. [REDACTED], [REDACTED], [REDACTED], [REDACTED], [REDACTED], [REDACTED] i [REDACTED] k.o. Ćoseta SP, utvrđeno je da je A.O., vlasnik, odnosno suvlasnik navedenih nekretnina koje nije prijavio u svom Izvještaju od 12.10.2022. godine.

Osim toga, uvidom u dopis Odjeljenja za javni registar Vlade Brčko distrikta Bosne i Hercegovine, broj: 20-001821/22 od 17.10.2022. godine utvrđeno je da je automobil marke Volkswagen, tip: 6R, registarskih oznaka: [REDACTED], godina proizvodnje 2011. u vlasništvu R.O., bračni drug nosioca javne funkcije.

A.O. je na osnovu Odluke o imenovanju zamjenika direktora za tehničke poslove JP „Luka Brčko“, broj: 1954/2017 od 29.11.2017. godine do 29.11.2021. godine obavljao funkciju zamjenika direktora JP „Luka Brčko“, a na osnovu Odluke Gradonačelnika, broj: 05-000516/22, broj akta: 01.1-1413EK-013/22 od 12.09.2022. godine obnaša funkciju člana upravnog odbora JZU „Zdravstveni centar Brčko“ Brčko distrikt Bosne i Hercegovine, te je shodno članu 2. i 21. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana je u Registar javnih funkcija i nosilaca javnih funkcija, te je imao obavezu podnošenja Izvještaja o imovinskom stanju.

Članom 22. Poslovnika o radu Komisije za odlučivanje o sukobu interesa propisano je da je stranka u postupku u smislu ovog poslovnika nosilac javne funkcije.

Članom 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana, između ostalog propisano i da Izvještaj sadrži lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja, dok je tačkom b) istog člana propisano i da sadrži podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u Bosni i Hercegovini i inostranstvu.

Cijeneci navode iz Izjašnjenja na Zaključak o pokretanju postupka od 24.01.2023. godine, Komisija nije mogla pokloniti vjeru u dijelu da nosilac javne funkcije nije prijavio automobil marke Volkswagen, registarskih oznaka: [REDACTED], približne vrijednosti 8.000,00 KM, a koji automobil je u vlasništvu njegove supruge R.O. jer je smatrao da nije dužan prijaviti imovinu bračnog druga, nego samo svoju imovinu, jer je u skladu sa odredbom člana 19. Zakona o sprečavanju sukoba interesa u institucijama Brčko distrikta Bosne i Hercegovine, nosilac javne funkcije dužan u Izvještaj upisati podatke za sebe i bračnog i vanbračnog druga, djecu, druge članove porodičnog domaćinstva kao i lica prema kojim nosilac javne funkcije ima zakonsku obavezu izdržavanja. S druge strane, Komisija je odlučila pokloniti vjeru navodima iz izjašnjenja od 02.02.2023. godine u dijelu da A.O., sin nosioca javne funkcije ne živi u zajedničkom domaćinstvu, tačnije da živi u istoj zgradi, ali na donjoj etaži, a što se ne smatra zajedničkim domaćinstvom u smislu Zakona.

Uvidom u Izvod iz matične knjige vjenčanih Odjeljenja za javni registar Vlade Brčko distrikta Bosne i Hercegovine, broj: [REDACTED] od [REDACTED]. godine utvrđeno je da je nosilac javne funkcije A.O. zaključio brak sa R.I. u Brčkom dana 19.06.1996. godine, te postoji obaveza nosioca javne funkcije unijeti podatke o imovini svog bračnog druga u Izvještaj o imovinskom stanju.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda odredaba Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da A.O. nije u Izvještaju o imovinskom stanju podnesenom Komisiji za odlučivanje o sukobu interesa dana 12.10.2022. godine unio podatke o vlasništvu nad nekretninama, kao i o vlasništvu supruge nad gore navedenim automobilom, čime je postupio protivno odredbi člana 19. stavovi (1) i (2) te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju u obzir uzela sve otežavajuće i olakšavajuće okolnosti kako bi izrečena sankcija odgovarala učinjenoj povredi Zakona. Kao otežavajuće okolnosti, Komisija je cijenila

činjenicu da je A.O. propustio Komisiji prijaviti veći broj nekretnina u svom vlasništvu. S druge strane, od olakšavajućih okolnosti, Komisija je cijenila da je ovo prva povreda odredaba navedenog Zakona, te ponašanje nosioca javne funkcije nakon učinjene povrede, njegovu spremnost da se informiše o svojim pravima i obavezama. Kao jedna od naročito olakšavajućih okolnosti uzet je udio u suvlasništvu nad gore navedenim nekretninama, površina istih i ukupna vrijednost nekretnina, jer shodno mjestu gdje se nekretnine nalaze ne radi o značajnijoj vrijednosti. Pored toga, nosilac javne funkcije je pokazao veliku zainteresovanost za postupak popunjavanja izvještaja, što je rezultiralo time da je u Izvještaj za 2022. godinu naveo sve sporne nekretnine, zatim i pokretne stvari vrijednosti veće od 5.000,00 KM. Imajući u vidu sve naprijed navedeno, odlučeno je da se izrekne opomena kako je to navedeno u stavu (2) izreke rješenja i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

#### **POUKA O PRAVNOM LIJEKU:**

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik  
Komisije za odlučivanje o sukobu interesa

---

Admira Mujić, dipl. pravnik

#### Dostavljeno:

1. A.O., [REDAKTIRANO] broj [REDAKTIRANO], Brčko distrikt BiH,
2. Internet stranici Komisije,
3. Evidenciji i
4. Arhivi.